

TRISTESSA E GIOIA

Ancora bia e calda est sa chijna
in sas campegnas de luttu ammantadas;
tra erbas siccas, alvures brujadas
s'aggirant desolades sos massajos,
finas su sole hat blandadu sos rajos
pro chi non morzat degni raighina.

Su pastore dolente giughet s'ama
die pro die in diversu terrinu
in chiroa de pastura, poverinu,
pro s'alimentu 'e sa robba famida:
una tупpa, unu cardu e una aida
iscampades da' s'ira 'e sa fiana.

In tale tristu e desolante istadu
non ses sola, Othieri, ma in tottue
sa matessi disgrascia chi has tue
compidu hat sa Sardigna tott'intrea:
s' idet chi sente iscussensciada e fea
in tottas sas contradas hat passadu.

Ma pro tantu dolore has un amperu,
nobile zittadina 'e Logudoro,
non ti mancant sas forzas ne su coro
pro superare sa calamidade:
ses populu de bona voluntade
chi zedas a sa pena est casu raru.

Subitu ti sollevas e risteras
cun s'opera costante e fittiana,
eppoi has una Mama Soberana
chi veneras cun fide e santu selu
sa cale ti dispensat da' su Chalu
s'azudu, a sos bissonos, chi l'imploras.

Cand'istrintu ses males t'hant assottu
in epocas passadas e presentes,
poverittes e riccoes possidentes
hant fatt'a gara a bincher sos malanos,
cun sa matessi gara in tantes annos
esaltada han Maria 'e su Remediu.

Biada Tue, nobile Othieri,
zittade digna de onore e de fama,
de sarda poesia prima mama
pro risorsas immensas esemplare,
famosa e dilicada in su trattare
s'undie non connettu passieru.

Si cunzeder mi diat sa fortuna
pro miraculu, nessi, de Maria
chi custa peregrina poesia
esseret digna pro s'iscepu ch'ada,
Virgine 'e su Remediu Immaculada
Ti fatte sa promessa sola e una

de benner a pes tuas volenteru.
Vivat Maria e vivat Othieri !

Cagliari, Viale Poetto 21 interno D/9

FRANTAFERRO
(Francesco Scarpa)

Francesco Scarpa